

心

日

齋

詞

集

心日齋詞集總目

第一

金梁夢月詞上

第二

金梁夢月詞下

第三

懷夢詞

第四

鴻雪詞上

第五

鴻雪詞下

第六

退菴詞

金梁夢月詞目

上卷

四字令

阮郎歸 二調

青玉案

一翦梅

蝶戀花 三調

瑞鶴仙

一枝春

西湖月

陌上花

念奴嬌

解連環 二調

金縷曲 二調

三姝媚

聲聲慢 二調

好事近 四調

丁香結

踏莎行

浪淘沙

二調

南樓令

醜奴兒慢

高陽臺

三調

玉漏遲

喜遷鶯

月華清

三調

絳都春

璽瓏玉

二調

望海潮

瑣窗寒

齊天樂

四調

新鴈過妝樓

二調

訴衷情

二調

思佳客

五調

尉遲杯

夢橫塘

江城梅花引

菩薩蠻

八調

洞仙歌

相見歡 二調

清平樂

揚州慢

憶舊游

天香

綠意

摸魚子

下卷

夢芙蓉

摸魚子 七調

望湘人

澡蘭香 二調

高陽臺 三調

滿庭芳

綺羅香 二調

瑣窗寒 三調

采桑子 三調

喜遷鶯令 二調

風蝶令

二調

浣溪紗

十二調

鵲橋仙

三姝媚

三調

催雪

丁香結

瑤花

眞珠簾

瑞龍吟

念奴嬌

惜秋華

金盞子

金縷曲

應天長

陌上花

解連環

二調

浪淘沙慢

慶春宮

東風第一枝

二調

更漏子

二調

芳草渡

好事近

絳都春

荷葉杯 二調

南鄉子

二調

玲瓏四犯

喜遷鶯

二調

六醜

一枝春

瑞鶴仙

金梁夢月詞上

祥符 周之琦

四字令

吟香綺櫳傳詩翠筒玉梅纔識春容釀春光未濃
虹
梁半空魚波萬重舊時月色相逢話家山夢中

阮郎歸

昨宵同賦冶春詞芳襟暗共期今朝卻是送春時紅螺
懶更持 來又恨去還思淒涼花一枝哀箏彈損遠山
眉此情金鴈知

又

朝來春色媚檐牙
晴暉散曙霞
晚來秋影到窗紗
新眉試月華
羅帳倚繡簾斜
催歸夢未差
紅燈開作可憐花
今宵真到家

青玉案

西山顏色仍依舊
只添了眉痕皺
小院珠簾垂永晝
吟箋半摺
畫闌孤倚
長憶分襟後
閒中記曲拈紅豆
風雨還驚夜來驟
曾問南園芳事否
鶯如人懶
花如人醉
春也如人瘦

一翦梅

春水和李賓石

一鏡烟痕望裏收
咫尺回橋綠
軟香柔有人扶上木蘭
舟載了春心蕩了春愁
冶葉傳情恨未休
照影嬋娟
那處妝樓小
紅闌外是西洲
今日東風明日東流

蝶戀花

門外垂楊千萬縷
不繫春光只繫春愁
住文杏巢空雙
燕去紫簫聲裏屏山暮
恨別江郎渾懶賦
一抹烟痕
舊約無尋處
五里東風三里雨
薜蘿吹冷天涯路

瑞鶴仙

屠琴鳴舊寓米市胡同雙藤老屋
諸同志時時
觴詠其間
距今三載矣
嘉慶壬申春杪琴鳴真

州書來重話疇曩因賦此閱爾時同集者劉芙
初董琴南朱勲楫謝向亭錢衍石賀耦庚琴隲
及余爲八人皆戊辰同年友也

素天分鴈軫話夢影揚州月痕初暈情波寄蘭訊又魚
箋睡濕麝煤心印琴歌興引且漫說游蹤未準但匆匆
側帽吟來輸與舊時青鬢還問雙藤在否絡架扶牆
幾番紅褪交枝翠隱蒼蘚路有誰認怕幽禽忘了花魂
清瘦卻道棲香正穩倚黃昏闌角尖風峭寒自忍

一枝春

白芍藥

婪尾杯深殿羣芳付與伶俦花影嬌姿澹埽不許綺羅
人並薔薇臥晚記曾共曲闌閒凭空自把情淚偷含夢
入瑣窗烟冷 湔裙素波低映漸韶華過卻將離折贈
東風倦眼到得粉融酥凝濃春未了問誰見玉奴妝靚
還更怕殘月揚州杜鵑喚醒

西湖月

題孤山放鶴圖

巢居不鎖仙心弄遠影褊褊絳霄風穩素裳縞袂激湖
十里翠峯千仞圓吭清響遞更雨雨瑤笙松吹引儘戀
著嶺畔梅花肯說玉京飛近 輭紅我尙淹留歎蕙帳

塵空怨懷誰訊故園秋矣襤褸瘦翮不堪重認芝田歸
有路但倦羽商量期未準枉回首夢裏青山白雲無盡
陌上花

七夕

雙星寄語紅羅亭上舊香誰採麗句南唐吹冷半空仙
籟當時恨與東流去容易朱顏催改慶長生唱出鳳簫
一曲悶持羅帶話前因夢裏填橋烏鵲那見纖雲飛
蓋片石支機還是聘錢難貸占絲鈿合空相約孤負西
樓人待但清秋認取梧桐深院賦情猶在

念奴嬌

陶然亭懷芙初

翠簌亭畔話西風一笛清游曾記已是離愁消未盡禁
得危闌重倚別浦凝陰回塘弄晚搖漾滄洲意前番衰
柳向人還又憔悴長恨千里關山南雲不見見蒼烟
無際帽影緇塵江上路多分霜絲難理潮落秋生水涼
夢遠休喚眼鷗起相思何許白蘋紅蓼鄉裏

解連環

雪意

畫檐岑寂送寥空倦眼亂鴉飛急護凍雲戲玉猶慳任
翦取鳳翎不成拋擲睡起癡龍但小試殘年風色照銀

燈點點紫粉淚痕何處相識 幽尋瀟橋路隔對薰爐
篆縷清夢難寬做幾番酒醒天寒喚山寺夜鐘水樓長
笛萬里蒼茫倩誰問飛瓊消息折梅花故人故里寄愁
未得

金縷曲

芙初殘臘抵京況味寂寥次韻賦贈

玉罌春風煖儘宵深爐香飄盡燭花燒短店月橋霜經
行處縷縷夢魂誰管向竹裏今番重款別淚青衫痕猶
凝料琵琶聽徹歌聲輒閒細數鴈程緩 征塵寫入江
南怨自沈吟紫簫非舊翠衾空展燕麥元都無人問況

是素絃聲斷更休訴京華游倦鷗鷺江湖還漂泊甚閒
雲容易隨舒卷回首處晉陵遠

又

夜坐疊前韻

畫鴨香心煖倚黃昏歲殘時序漏長檠短官閣梅花開
猶未吹破一枝羌管念獨夜清尊誰款彈指春光天街
近漸東風颺得紅塵輾吟擁鼻數聲緩 金梁此夕曉
鴉怨黯消凝舊山圖畫不堪重展烟夢淒迷無尋處多
事彩雲吹斷算顧曲心情都倦喚起青鸞歸飛去看樊
樓十二珠簾卷千里外寄愁遠

三姝媚

櫻桃

垂檐紅半彈漸飭簫吹殘荼蘼開過乍啓肩朱趁小腰
蠻舞玉顏初破禁苑偷銜憐蘼羽鶯黃微婉記憶妝樓
聞折嬌春粉香千朵還對珍叢婀娜問露液承盤爲
誰輕墮翠籠分攜送錦鞍歸去悶拈珠顆寄遠年年將
恨與餒稍俱裏怕說杯停婪尾繁陰夢鎖

聲聲慢

偕邵季若自燕臺步至江亭菰蒲蕭蕭疎有濠
濮間意

鉤藤礙屐帶草牽衣循途恰轉回塘鏡曲幽尋疎磬漸
引雲房翛然半郊半郭浣塵纓慣詠滄浪聽醉語只山
僧一笑識我清狂回首前游幾日又西風吹換石冷
苔荒倦柳依依猶戀澹薄秋光沙鷗漫留後約怕重來
老卻斜陽歸未得但憑高還睨舊鄉

解連環

癸酉秋奉使并門行次恒山驛晉豫分道處也
太行山翠紛來邀客隔河南望鄉思黯然賦寄
伯兄次珩

驛塵三輔向郵亭繫馬晚鐘敲雨看荒垣幾日清秋恰

陳柳當門暗牽離緒半枕浮生問短夢今宵何處任吟
箋香冷畫燭淚深歸思難賦 滹沱去程記否料重尋
往跡爪印非故儘思量南走邯鄲盼漳水銅臺舊鄉雲
樹喚客山靈又相約明朝西去寄愁心鴈飛鴈落夜長
自語詞中荒字當字思字銅字皆用平嫌與美成夢窗
詞相反同年劉芙初則謂白石竹山玉田解連環
詞於此等處平仄初不盡拘勸余存之然知音者不免
以落腔爲笑也

好事近

輿中雜書所見得四闕

杭葦岸纔登行入亂峯層碧十里平沙淺渚又渡頭人
立 筍將搖夢上輕舟舟尾浪花溼恰好烏篷小小載

一肩秋色

自獲鹿至井陘日三四問渡

又

詩句夕陽山扇底故人曾說好是固關西去看萬山紅

葉

翠蛟潭上認題名屐齒爲君折壽地蘚花濃處出

一雙胡蝶

陳受笙畫扇贈行題詩有燕山都在匡關西之句

又

峻坂怯肩輿引綆兩行猶弱幾日牽船岸上只蒲帆難
著一聲碧月大隄頭舊夢定誰託何似春風天半挽
秋千紅索

入太行道中輿前以索挽之

又

引手摘星辰雲氣撲衣如溼前望翠屏無路忽天門中
闕等閒雞犬下方聽人住半山側行踏千家檐宇看
炊烟斜出南天門尤陡峻人多鑿窯而居

丁香結

雙柏堂偶述用周美成韻

屋角烟疎井闌人寂纖影月蛾低墜歎流光輕迅玩素
景路指苔階蒼潤倦懷曾見否新寒試袖薄更忍天涯
凝想粉淚定逐爐香飄盡秋引正暗葉吟商夢覺南
雲鴈陣鈿尺閒拋紋衾靜倚一燈初暈憑寄歸羽信息
送喜箋盈寸聯萸屏清詠猶及霜紅未損

踏莎行

勸客清尊催詩畫鼓酒痕不管衣襟污玉笙誰與唱消
魂醉中只想曹騰去綺席頻邀高軒慣駐悶來卻覓
棲鴉語城頭一角晉陽山怪他青到無人處

浪淘沙

擬游晉祠不果

雉堞幾憑闌拄笏空看叢祠依舊鎖雲關如此嵐光渾
不識羞渡桑乾碧玉瀉潺湲流水生寒一聲涼鴈最
無端桐葉西風多少恨留與青山

南樓令

歸次壽陽驛霜氣寒甚

候館閉殘釭淒淒夜已霜擁青綾一昔雲涼多事西風
吹恨去隨冷月度回廊秋夢惱疎狂征衣惜舊香有
閒心休著思量憔悴銀屏山幾疊渾不耐漏聲長

醜奴兒慢

九月十九日望都縣城外書事

輕塵倦馬酒醒今宵何處最愁說瓊簫花外半壁儲胥
恨入初程劒歌聲悄壯心孤圍棋乘興遲回命屐一著
先輸鼓吹未閒淒涼官燭憔悴軍符更誰向平原飛
騎笑挽雕弧廢壘秋笳怨吟曾到帳中無傷心休問遼

空唳鶴殘月鳴狐

高陽臺

客有談衛源近事者感賦此調

鳩羽驚媒龙音感悅匆匆芳訊偷傳一紙相思怨紅曉
涇銀箋連波別有牽魂處甚回文倦眼曾看枉猜他珠
腕閒題粉淚輕彈無情河水東流去打空城寂寞螢
火飛殘埋玉誰家秦簫吹冷荒烟人閒多少傷心事誤
南柯淺醉酣眠又爭知孔雀徘徊還到郎邊

玉漏遲

耦庚席上賦葛仙米

紉珠塵未埽，玄禽啄後碧螺痕。小一捻圓勻春出玉山，
香稻雋味青精漫擬待糝入羹湯，還好春又早紅鹽綠。
酒者時情抱，相看句漏雲封只乞米。長安甌塵閒笑
旅食年年依舊石田荒了儘，把丹砂寄與怕夢裏黃梁。
人老鄉信杳，知他鴈鴻多少。
聞豫中苦飢

喜遷鶯

過米市胡同作

翻階紅藥尙作意弄晴，雕闌西角金谷春迷。燕城天遠，
都把俊遊拋卻。悶思去年花發，愁惹今年花落。燕飛盡，
問悠悠何處橋邊朱雀。
疎箔還更啟閒拂，暗塵夢短。

憑誰覺蠟淚黏螢衣香化蝶不記那回行樂舊歡斷魂
人往新侶採芳人約賞心事又從頭聽取柔奴絃索

月華清

賦得團扇復團扇

小影兜香圓規倚月未秋已自惆悵憔悴回看幾日在
縈蛛網記同心有約相攜問半面爲誰羞障烏巷負僧
彌玉潤繡簪偎傍 戲蝶游蹤暗想枉鏡彩重重細描
宮樣宛轉聲中禁得倩魂搖颺掩花容新恨仍迷聽絮
語舊情難忘低唱付秦淮渡口那時雙槩

又

初夏

燕乳飛遲蠶眠香老一番婪尾吟後怕檢羅衫還怯曉
寒襟袖蘸簾影綠蔭方重尋履跡豔陽難又孤負聽鷓
鴒花外那回攜手 伴侶停針話久但強啟窗紗悶添
晴畫梔子同心忍見素紈描就悔拋卻吹絮光陰任閒
到熟梅時候依舊試榴紅裙衩爲伊消瘦

絳都春

綠陰

烟絲窳館乍約住翠雲回廊遮徧做暝弄晴沾惹離愁
愁無限淒香滯粉閒凝眊更誰識殘紅幽怨杜鵑何許

匆匆儘把豔陽催晚 空戀簪花俊賞泥人處暗裏朱
顏偷換問取倩魂那信飛鶯吹還轉唬妝在隔春風而
剩黛色眉痕猶見悄然青子枝頭恨長夢短

蝶戀花

送芙初南歸二解

簾底斜陽紅一綫怕近黃昏不放銀鉤卷燭影西堂看
又短金尊只訝宵來淺 賦罷離情魂欲斷砧杵誰家
喚起征人怨冷到秋心秋不管芙蓉卻在江南岸

又

往日題襟同客邸一樹垂楊兩兩吟匏寄小巷城南三

五里等閒化作盈盈水 天上秋雲吹易碎送得君歸
卻問歸何計燕子樓臺斜日裏江南也是消魂地

高陽臺

仙露菴宋宮人餞汪水雲處

白鴈聲殘青蛾淚盡燕臺別路重分供奉琴歌不堪彈
入離尊興亡夢短黃冠老掩金觴翠袖含顰歎西湖卅
六離宮何處長門 當年環珮空歸去任花旛戀雨佛
火愁人剩水殘山依然鈴語黃昏紅兜那覓南朝寺話
滄桑舊額猶存泣銅仙承露盤傾一樣消魂

又

長椿寺明田妃畫像 慈聖李后像並藏寺中

葉落秋槐花零素柰驚鴻省識曉妝月影揚州禁他燕
館清霜九蓮寂寞閒房共黯殘僧黃帕司香儘關心小
閣承乾前度昭陽 霓裳未破哀蟬詠指環妃葬地金
盃銀牀天壽幽宮珠旒翻託明璫相從好奏西陵伎比
人間椒殿春長漫魂歸一燈芝龕冷話興亡

璽瓏玉

都人夏日賣冰者以兩銅盞相戛作響漁洋詩
所謂櫻桃已過茶香減銅盃聲聲喚賣冰者也
蓉闕櫻殘早添得韻事京華玻璃沁盃喚來紫陌雙叉

妙手玎璫弄巧勝肩頭鼓打小檐聲譁停車裁油雲隔
住玉沙 暗想槐薰倦午正窗閒雪藕鼎怯煎茶碎響
玲瓏問驚回好夢誰家屏間珠喉輕和有多少鈴圓磬
徹低唱消他晚香冷伴清吟深巷賣花

兒童賣晚香玉
聲亦可聽

又

瓦噴壺

清暑簾陰晚風送枕簟瀟瀟陶家製出買春不是詩巢
幾陣階前遞響早千絲玉濺一白珠跳涼宵還相催金
井桔槔 未擬官哥樣好但瓶長較頸鼓細量腰貯腹
泉甘尙虧他淺潤堂坳壺公僊蹤曾託更休把冰清心

跡瓦合輕嘲雨來也埽煩襟如意漫敲

望海潮

送勳攄出守瓊州

銀瀧飛蓋油幢濺雪春風乍到南天閩嶠句題

君時取道福州

羊城路指羅浮青入雙鬢烟靄護旌旃看滄溟咫尺催

渡樓船竹馬人來幾聲銅鼓唱喧闌吟心臥閣清閒

正桄榔未老胡蝶猶仙蜚雨弄晴蠻花醉曉珊瑚十萬

瓊田一酌試廉泉想深沈合浦早有珠還埽盡樓臺蜃

氣吹笛海門山

瑣窗寒

紫泉孝廉李賓石余再從姊壻也病樹不春曇
花遽萎熒熒淩緯其可哀已

聽雨沾春題花卜夜勝游曾幾書傳鴈羽有約玉簫同
倚踏松陰依然斷腸素絃一昔牙琴碎過招提倦旅當
時燈暈尙飄紅穗誰寄相思意但絮影埋香酒痕吹
水秋墳怨語悽入女嬰砧裏話傷心孤雛未將紙錢那
覓空燕壘判今生塵面西風爲君持淚洗

齊天樂

寒雲

沈寥千里寒空色誰教玉龍輕占望裏仍飛愁邊又聚

不許梨花香泛陽臺恨，
斂漫提起巫峯。那回春感夢雨，
蒼涼楚腰羞向近來減。
採梅曾約舊畹，鶴衣尋徑處，
幽境空念澹。欲黏天濃應釀雪，
贏得今番淒黯。山螺翠掩，
更隱約疎林墨痕低染，
界破冥濛冷鴉三四點。

又

寒燈

瑣窗閒絮釵蟲語，
盈盈倩魂無定。盞側星孤，
盤敲豆小，爭忍挑來還暈。
瑤街漏緊，待添了銅荷玉膏，
猶凝夜飲。誰家九蓮花底，
喚春醒，蘭房幽意，自省背人茸帳倚。
金鴨都燼半，翦難勝雙心暗怯。
長盼天涯，芳信歡期未

準任碧悴紅迷怨蛾相映繡被霜濃一枝空照影

又

寒柝

暮天吹角譙門斷淒音乍聞飄渺響接砧疎傳隨箭急
還帶提鈴聲小嚴城靜悄伴清漏銅壺幾番昏曉逝水
年華爲誰消領舊懷抱空街敲恨未了鐵衣來往處
霜信偏早鷺埃迷烟雞籌喚月那更春光不到離情暗
惱問挑盡殘燈送愁多少帳底驚魂夜長人易老

又

寒鴉

晚霜天外歸飛急淒淒紫寒無語水驛檣稀河隄樹老
羞說垂楊終古酸風聽取問積霰平林舊巢安否黯澹
叢祠陣雲吹送楚江暮蘇臺前事暗數醉歌人未散
銀箭催曙叫月聲孤棲烟夢冷重憶昭陽何處蕭條倦
羽悵子夜號殘白頭還苦鬢影相看玉顏空淚雨

聲聲慢

晨起踏雪詣向亭

街長帽側徑滑筇扶斜風乍見飛絲款竹門深還更一
笑相看朝來玉樓凍合怪尖叉瘦聳吟肩閒趣好但塵
襟泥酒醉墨塗箋容易烟雲過也甚鴻泥爪印倦旅

依然冷落詩囊誰念歲晚長安冰霜待尋伴侶只孤琴
消得清寒似夢裏又梅花開了故山

新鴈過妝樓

琴硯是賓石所贈

暈墨凝香詩魂化猶依片玉琳瑯半規蕉葉涼信暗翦
秋霜淚眼研愁書懶寄更無夢約紫泉莊黯情傷廣平
似石特地回腸紅絲當時共炙借錦箋鏤筆寫怨宮
商斷紋何許年少慣倚疎狂而今賞音漫索但日送西
風歸鴈行相思處在翠蟾鉛水盈盈一方

又

冰簟

漏咽銅籤飛瓊過瑤笄誤落雕檐峭風寒翦新意幻出
纖纖鏤雪鐫霜簾影下鏡臺未怯曉晴占溜痕添悄移
鳳蠟珠顆教銜犀椎敲來尙惜襯綺疏翠幌碧澗偷
拈弄妝呵手春恨暗觸晶匳鬟雲更誰試揜佯著指防
他清淚淹芳魂去待化成嬌玉花香一簋

訴衷情

芳徑人靜簾外影曉朦朧花信早顛倒任春工鶯語隔
房櫳匆匆畫樓今夜風是殘紅

又

錦幔斜卷春意懶篆香微人去後楊柳又如絲無語對
花枝依依小園胡蝶兒恨來時

思佳客

檢點嬌紅瘦幾分含情重問可憐春誰教南浦愁中絮
卻化西樓夢裏雲吟翠管步香塵小闌花影易黃昏
從來怕見初弦月纔學蛾眉便學顰

又

帕上新題間舊題苦無佳句比紅兒生憐桃萼初開日
那信楊花有定時人悄悄晝遲遲殷勤好夢託蛛絲
繡幃金鴨薰香坐說與春寒總未知

又

寂寞湘簾下玉鉤一春清景似殘秋
粉消蕙帳情空寄
花褪蘭釭恨未休
銀鑿落鈿筓歡場那更問朱樓
雙蛾已是生來淺禁得西窗此夜愁

又

夢語惺忪記未真起來還倚退紅茵
綠腰枉自翻新曲
藍尾誰能惜好春
金翦歇玉爐薰懶將纖手試寒溫
人間無著相思處剩檢羅衣看淚痕

尉遲杯

何仙槎前輩席上作仙槎大爲擊節此醉語耳

不自知其辭之所以然

歡娛事甚著眼都作淒涼字無聊漫寫雲箋那復前塵
猶記紅牙妙譜也儘許歌喉按新製又爭知鳳牒重看
俊游空付流水餘香醉拍征衫憐刀翦并州躡網長
繫冷落花名人誰識珠淚裏烏闌半紙如今縱天河倒
瀉料難望銀鈎墨暈洗但從他試語初驚自尋牆外桃
李

月華清

丙子六月七日晨詣玉泉山凍雨初歇車行積
潦中宛如舴艋小詩呈李芝齡前輩十頃玻璃

坐渺然天光如水水如烟閒情更語淮陰客要
借君家鴨觜船一騎衝波徑轉遙半灣秋映玉
虹腰石闌干外垂絲柳知是江南第幾橋露珠
紺影上衣紗扇底涼痕一倍加迢遞湖光吟不
斷風香消受萬荷花並成此解

短策吟烟驕驄踐淥柔波十里如翦一舸誰攜恰好徑
隨花轉乍喚侶垂柳門邊更覓路曲闌橋畔消遣向菱
灣蓼渚等閒尋徧 況是澄湖漲滿傍岸背沙臂鏡匳
初展銀漢盈盈可許浣紗人見帶空翠半角山孤蘸秋
影數重天遠歸晚正冰綃索句玉鞭須緩

夢橫塘

荷葉似雲香不斷白石句以慢詞寫之

液池擎豔淥沼含馨溼雲飛滿涼翠千葉香心蕩三十
六灣秋意倚蓋天長浣衣人杳卷波無際認珠盤冷浸
一抹橫塘重重碧重重水 嬌紅半落誰憐但參差遠
影還蘸吟袂鷺送鷗迎料未許夕陰吹碎喚小艇青陰
搖夢待覓風痕過烟尾甚日開門藕花多處約詞仙同
醉 藕花多處別開門亦白石句

江城梅花引

一雙銀蒜暮丁冬是東風是西風吹得疎疎涼雨打

桐沈水半消金鴨冷人不見夢依依喚玉驄
玉驄王
驄無路通步霜紅霜更濃過也過也過不了咫尺簾櫳
依舊相思圍住畫闌中推枕起來還欲睡樓角外又蕭
條聽斷鴻

菩薩蠻

竹梧重疊交窗影水紋簾卷冰花冷燈穗墮空烟夢回
秋可憐 玉階人不見絡緯曉成怨銀漢信沈沈碧雲
深更深

又

門前簾幕垂垂護出門待索銀蟾語圓影可憐低曉風

吹又西 十三絃上意箏柱還搖曳聽到別情無一聲
金鴈孤

又

映門衰柳無顏色長條一夜西風急人倚小紅樓闌干
天際愁 愁來天又暮艇子衝波去打槳問鴛鴦鴛鴦
秋夢長

又

曲闌低亞涼波淨回風綠蘸烟蕪影烟外幾人家天涯
卽水涯 蓮衣寒惻惻蕙帶寒無力到此合魂消冷香
黏畫橋

又

玉簪浥露情懷重海棠冷落西川夢掩映幾枝斜瘦痕
秋在花 蒼苔餘繾綣履跡閒尋徧無處問東風亂鴉
殘照中

又

夕鑑晨佩江淹句當年南浦愁人處衰草戀斜暉王孫
歸不歸 悽悽秋社語梁燕仍羈旅倦尾路雙叉烏衣
何處家

又

玉樓雲散花憔悴紫泉月冷重門閉門外夜烏啼傷心

山日齋詞集 卷之十一 三
聞擣衣 團圓爭忍見畫筵愁無限何處去年人酒痕
沾淚痕

又

草橋買盡麻姑酒醉來繫馬橋邊柳漂泊十年閒離情
山上山 秣陵書懶寄舊約空彈指泉路斷腸時人閒
誰復知

思佳客

德勝門外兩間房茶肆題壁一詩自敘漂泊楚
楚可憐款署雲間小倩不知何許人也賦小詞
紀之並邀芝齡前輩同作

塵壁憑誰護絳紗西風涼處見秋花知音渺渺憐人世
薄命依依念歲華 吟蕙草怨匏瓜吳淞飛絮又天涯
一春夢雨傷心事休問江南燕子家

洞仙歌

賓石曩主鍾仰山侍講家最久偶訪舊館愴然
黃蘆之思用玉田觀花外集有感韻

燕歸何處過烏衣門第一帶輕烟隔秋水歎衫痕暈酒
琴語絃詩三十載塵世賞音無此 吟魂猶在否幾葉
雲箋澹墨重尋舊題字夢蝶不歸來鏡裏芙蓉翦霜影
一枝紅碎有鄰笛依依故人心問蠟炬成灰夜臺知未

相見歡

鑪香冷了金貌鏡臺攜不信生來長見翠眉低
春夢斷畫闌畔舊情迷剛是曉鴉啼後子規啼

又

一絲秋入雕梁燕雙雙幕地庭梧已做十分涼
楚竹簟越羅扇漫思量咫尺畫闌西畔是斜陽

浪淘沙

秋蟬和衍石

涼思又銅盤琴外聲殘一庭愁碧鎮相憐冷入秋心飛
不去衰柳年年何處說荒寒落葉長安西風休更倚

闌干弱羽脩脩真似我鬢影羞看

清平樂

憶梅

尋尋覓覓竹外人孤立砑粉銀箋題又溼冷卻翠禽消
息舊時芳訊依然而今幽恨年年一笛綺窗歸夢故
山無奈春寒

揚州慢

琴鴨抵京數日未謀面也及知其來則已奉諱
南去賦此代柬

銀管拈愁玉箋封淚十年人老藤花趁飛鳧小影又斂

翼京華認當日題名醉墨翠陰深處重拂窗紗話風流
君屐多時香散蜂衙舊游過眼漫低回身世搏沙歎
候館淒燈歸艎倦枕殘夢誰家喚起二分明月蕪城怨
寫入唳鴉但潮生潮落秋聲容易天涯

憶舊游

題畫

向生綃託興縹緲襟期刊落塵緣異境無人到望瑤岑
蘊筍玉井開蓮冷光半溼幽翠烟影散虛壇想萬壑松
風珠庭近接渺矣高寒靈源竟何許有幾片桃花流出
雲間漫說丹邱隔便移家好住誰耐清閒石牀自寫

琴意空外揖羣仙待月白千峯相攜跨鶴天際看

天香

水仙花

水豔吟香花情眷夢湘臯記共游冶盞側塗金簪橫削
玉霧帶碧痕低亞通詞試託問甚日仙魂初化翠羽明
珠不見依然冷雲凝夜銀釭舊愁自寫倚冰簫薄寒
吹麝一掬茜窗清淚粉妝慵卸還恐春風喚起又暗憶
扁舟古祠下素襪無聲凌波去也

綠意

冬蕉

牆陰翠擢記緣天深處題翰曾約黯黯吟魂惻惻寒宵
禁他瘦倚欄角多生已苦秋窗雨況夢影霜華凋落儘
故人書葉留看早是怨懷難託誰倩瑤函寄語寸箋
料未許春信偷覺一束相思可奈伶俜慣與西風梳掠
緘愁緘恨還緘淚任蠟撿芳心拋卻待雪殘重結清游
好覓鞦韆川池閣

摸魚子

長至前夕偕芙初琴南飲衍石齋中偶述

沆冰毫擘箋題句宵分絳蠟重翦玉珂風外閒身在恰
趁翠尊寒淺梅信緩問半萼吹香瘦影供誰眷天涯念

遠但蘭佩浮湘

向

桐圭訪古

耦庚

長記故人面

新聲倚

換羽移宮難慣旗亭按拍都倦宣南坊裏聯吟處只有
盍簪堪戀塵夢短算買得鶯鄰何必論鄉縣荷衣倘換
駕一葉沙棠吳根越角要結鷺鷥伴

金梁夢月詞下

祥符 周之琦 釋圭

夢芙蓉

集賢院有舊井清澈可鑒余往來兩年中未見
有挹取者豈以地多陂澤無事汲深耶

芳游迷豔綺認頽垣古鬢蔓羅交曳畫闌回首零落舊
題字斷魂烟雨裏綠珠門小應閉半角西山知顰蛾怨
曉曾否黛痕洗 好句屯田漫擬一酌清冷識曲今誰
是鬢絲風影人與露桃悴素波渾不起鹿盧修綆空繫
夢隔仙源但銀瓶信杳難問絳河水

摸魚子

讀元遺山芳華怨樂府漫題

黯消魂故宮遺事金源舊恨重數鷓鴣絃上芳名認一
片冷雲吹雨都尉府憶阿海香閨近接東華路承恩未
許但襯粉妝殘迎秋扇薄還送燕歸去 娃兒曲枉了
巫峯朝暮銀紅休按花譜花開北落天難問莫爲綠鬢
深訴君記取只幾日青城寂寞春無主人間最苦算杜
宇聲聲摩訶院裏纔是斷腸處

望湘人

石楠庭同年以畫蘭索題戲拈此調

記幽坊喚酒佳節試燈翠屏新曲曾顧冶葉柔情媚香
妙譜小影華年偷訴皓腕清襟楚騷遺韻仙裳休妒正
石家金谷留看底事花隨春去 愁思江南路塵歎凌
波步遠韞塵難駐問解佩吳宮可似夢雲深處恨種
恨風條傳語那識題箋心苦不忍見一紙芳華化作橫
塘烟雨

澡蘭香

重午用夢窗韻

閒情鬪草雅戲牽鉤節序被人喚覺銀燭蕩漿鏡曲分
箋長是夢游空約盼飛鳧音信難憑相思榴紅破萼小

簾涼痕困倚汀蒲洲翳 重話河橋往事細葛風前暗
消吟魄塵梁去燕彩筵招蠅在卻紺紗帷幕試蘭湯新
浴還慵誰伴芳尊共酌但認取艾葉朱符餘香襟角

高陽臺

七姬權厝志吳巢松編修屬題七姬皆淮張時
左丞潘元紹側室志爲張來儀文宋仲溫書平
江貝氏千墨菴重刻

黃葉風多青苔篆蝕殘碑尙認嚙痕怨魄歸來愁他蛺
蝶羅裙一絃一柱哀琴語打羣鶯枝上消魂最無端玉
骨淒涼娟袂難分 娃宮誰問傷心史只潘花小字猶

紀貞珉妙墨重鐫依然金盃千春埋香那覓三興土掩
顰蛾灰冷齊雲但從今墓草年年休長情根

滿庭芳

遼后洗妝樓

眠柳梳烟荒池洗月翠簾不卷春愁暗塵珠絡芳豔未
全休飛燕新詞漫擬簪花格墨妙誰偷憑欄處鞦韆金帕
玉腸斷舊風流凝眸佳麗地脂函鏡匣鄉冷溫柔但
捺鉢當時諫草還留可惜琵琶調苦回心院枉費綢繆
焚椒恨天書練影三十六宮秋

綺羅香

車帷

繡幙圍香文裯藉玉一夕屏星催換怯試秋心恰好夢
深寒淺認麝密犀押勻排愛絨唾蝶衣新翦問流蘇四
角低垂越娥網住定誰見驕驄佳約未準剛是蝦鬚
替卻圓晶雙綰雲母輕盈藏得幾分春怨似相看帳裏
花枝漫暗憶鏡中人面盼悄悄油壁歸來畫簾風外卷

瑣窗寒

風窗

翠箔收寒瓊鉤捲月一番風緊疎櫺半掩隔斷滿階秋
影蘸銀箋油花暗滋午妝粉指新留印怕重來燕子小

門深閉舊巢難認
方鏡頗黎襯更玉墜低懸獸鏤相
並朱繩細綰比似井闌斜引玳梁深輕籠篆烟繡幃窺
處還易暝未愁他畫燭屏前下簾紅袖冷

又

集賢院連雨

潤逼窗紗涼侵簾竹頓添憔悴將徐又緊做出幾分秋
意對銀屏幽懷暗牽素衾清夢誰料理最憐他此日紋
疏靜掩袂衣初試
空指前游地任罨石苔滋井闌愁
倚回波漲晚翠點一池萍碎帶蒼烟歸鴉倦飛暝陰未
破雲更起但虛空冷蕩柔絲遠天都是水

采桑子

兄子汝笏娶婦張氏同年潤夫農部女結褵三日婦忽感疾旬餘竟逝時丁丑七月十三日也汝笏將其遺蛻歸里爲賦悞惱詞三首送之

人間誰是消魂者昨日鸞琴今日霜砧三日離愁海樣深
鬱金香冷知何處悵望春陰領略秋心綠蠟前頭淚不禁

又

十三數到哀箏柱憔悴牽牛鵲駕難留銀漢橋邊一夜愁
從今怕說黃姑渡短夢悠悠舊事回頭但見秋光

莫上樓

又

紙灰飛遍關山路山也重重水也重重
滴盡珍珠酒不濃
雙棲漫譜雕梁曲花也匆匆月也匆匆燕子歸來
似夢中

喜遷鶯令

綠飛絲紅退萼芳景故淒迷不堪花信到將離剛是斷
腸時
金鴈箏鈿雀扇爭似舊時曾見情絲牽斷夢魂
中枉自費東風

又

夢纏絲魂怨抑前事漫思量朱樓高處見垂楊那信是
他鄉鶯自憐花自惜此意甚人知得縷金鵲繡羅
襦曾有淚痕無

風蝶令

睡碧凝痕重流黃照影遲姮娥依舊弄清輝我自不會
真見月圓時蝶戀前宵粉蛛牽後夜絲酒邊心事問
伊誰除下鏡光鐙影少人知

又

琴語回瑤軫簾波暗玉鉤芳心一寸鎖難留消得三分
病與七分愁藥裏拋仍在苔箋卷未收薄寒無賴倚

羅稠可是禁愁禁病又禁秋

浣溪紗

誰築閒園倚近坳小山叢木帶回汀等閒水石費經營
珍館幾時迷舊跡綺樓無地著春情蛛絲蛛網最可憐
生

又

紺瓦雕甍想像間薄陰吹冷土花斑幾人指點舊平泉
橋水暗敲珠錯落巖雲低映玉孱顏當時祇認是家
山

又

竹石三分水二分水邊蜂蝶易消魂不堪重憶舊時春
可有青苔黏畫屐似聞芳草鬪羅裙丁香花謝不關
門

又

護玉籠香翠閣幽名花對影看梳頭此中人說是迷樓
灰幕暗通筇阮語重簾分管燕鶯愁紫雲何處恨悠
悠

又

車馬如雲待漏遲未明天已玉驄嘶綠波橋上漫依依
過眼綺羅猶昨日傷心冠蓋似當時無因說與白鷗

知

又

鞭影匆匆指落霞輕衾涼簟定誰家不辭小立倚汀沙
但有藤蘿皆映帶更無藻荇不橫斜生憐消瘦到秋
花

又

扇底風痕弄夕涼酒醒人試藕絲裳新蟾鉤據照橫塘
蟬雀有時還獨語鳬鷺何必定同行澹烟清夢怕思
量

又

白鶴憑誰信手招銀瀾對影轉無聊悶來何計覓雙橈
秋思可堪人寂寂仙源依舊路迢迢微波原自不通
潮

鵲橋仙

龍鬚席

桃枝遜滑藤根讓潔入尺風漪鋪水象牀誰與問遺簪
有幾點瑤池清淚龍鬚草一名王母簪冰絲細裊花紋巧織還

似鮫宮新製任人舒卷總無心不化作淒涼雲氣

高陽臺

用碧山韻答衍石潞河舟次之作兼懷琴南

帆角鼓烟船屑墜葉一番涼雨淅淅惜別山容城尖仍
倚愁眉潘河門掩珠巢冷問紫駟可記當時鎮無聊醉
醒厭厭還倒金卮燈窗幾寫懷人句寄垂虹南北兩
地相思縞夜清霜夢魂依舊來遲來時定折寒梅贈道
此情惟有花知但淒然鬢影細塵青鏡成絲

摸魚子

去歲長至夜飲衍石齋中余有浣冰臺之作今
一載矣琴南衍石皆以憂去天寒多雪索居勉
歡復次舊韻成闕並索芙初同賦

送歸人去帆兩兩平蕪千里如翦分襟憶到題襟日又

早蠟梅香淺魚素緩空領略淮河津口魂雙眷

八月得術石天

津書十月得天長水遠怕星飯填愁塵衫浣淚難認舊

時面東華客十日閉門都慣相如今更游倦駕湖鶴

市空中想翻是他鄉情戀吟興短漫贏得秋來夢不離

江縣吹葭節換試問訊劉郎深杯雪屋燈影剩誰伴

又

和潘吾亭同年再疊前韻

倚香篝小樓聽雨春衫誰與裁翦潞河橋下波千尺比

似別情還淺腰帶緩更海燕傳書碎語增悽眷瓊枝恨

遠恁夜舫牽衣垂髻斷影長隔鏡中面

君時有金瓠之戚

城

南路烏帽黃塵行慣新詩水部吟倦西湖西子頻牽夢
未信輕紅猶戀生計短只地上栽花那是君家縣思鄉
酒換剩玉雪佳兒芸編問字燈火紙窗伴

又

戊寅三月二十一日宿香山三山菴次日循菴
後小徑登龍王堂眺覽久之喬松百尺泉聲泠
泠然東牆玉蘭二株已半謝矣

野橋西霽嵐千疊攀蘿待訪深隱鐘魚記否曾來處一
衲故吾堪認蓮漏緊任小夢眠雲也覺巖棲穩芒屨曉
趁道咫尺龍堂山靈喚客一徑以秋期還惆悵早是

瓊苞香褪瑤臺空墮珠粉看花眼冷春明路花裏翠禽
知恨泉更引照鏡底青螺懶說仙源近催歸未忍料倚
杖哦松題箋選石後約總無準

又

暮春徧游近郊諸蘭若覺生寺大鐘萬壽寺白
皮松尤勝賞也

散幽襟近郊春晚香臺游屐爭試半幡風外招尋慣吟
思塔鈴遙墜陰滿地望不斷霜皮雪幹松烟翠鐘樓倦
倚待磨洗前朝鯨魚篆刻梵夾幾行字 僧寮話花影
竹房深閉落花更掃階砌杏壇管領春風帶我亦官閒

如此清磬裏渾未識禪心宦味都相似誅茆便擬指蒼
荀林西斜陽一縷山在冷雲背

三姝嬋

海淀集賢院有水石花柳之勝余歲或數十信
宿戊寅春暮獨游池畔寓物賦情弁陽翁所謂
薄酒孤吟者也

交枝紅在眼蕩簾波香深鏡瀾痕淺費盡春工占勝游
惟許等閒鶯燕步履廊迴盈退粉蛛絲偷罨小影玲玕
冷到梨雲便成秋苑容易題襟催散又酒逐花迷夢
將天遠繫馬垂楊但翠睂還識舊時人面暗數韶華空

笑我櫻桃三見剩有盈盈胡蝶西窗弄晚

又

馬湘蘭眉子硯爲程春海同年賦

蟾蜍清淚灑暈脂痕猶新粉光初研翠斲妝樓比石橋
新月自矜聲價鬬葉閒情借象管鸞箋消夜悄炙紅絲
沈水濃薰棗花簾下 髣髴冰姿妍雅背鐫小像恰手撚蘭
枝練裙歌罷槿豔無多問墜鞭人去秀蛾誰畫往事含
顰隨夢影銅臺飄瓦認取南都遺跡青溪恨惹

催雪

衍石抵京招同吾亭水部陳友石農部錢味根

孝廉消寒小集同雲如幕雪意垂垂坐客各有
新句余亦繼聲

簾罨重陰燈暈半花密坐貪依屏背語冷宦心情竹深
門閉客似寒鴉瘦影慣倦羽相偎銀雲底琴邊試問清
宵款語冶游知未 燕市十年矣是幾度分襟幾番拏
袂又朔雪關山歲華如此儘覓紅螺換酒釀不到鱗鱗
鴛鴦水料只有藤角吟箋猶認月波題字

丁香結

燈花和衍石

窺幙蛾輕綴窗螢小烟影玉荷低視是幾番風信恰喚

起細朵盈盈紅暈似華還似萼妝臺倚笑靨未穩無端
三點兩點慣向綃幃偷印 芳訊比鈿盒占絲料得歡
期漸近借煖根扶含津蒂著暗牽方寸良夜鴛枕睡覺
絮語空傳恨憑釵蟲飛去說與春來瘦損

瑤花

吾亭偶談汴中春覺菜之美余不嘗此味亦十
載矣

雪殘近陌壓檐泥香記腰鎌親覓鮮芽破冷新翠翦幾
縷冰痕猶溼廚娘好語道一信花風先識伴劇袍公子
樽前恰認穉春顏色 銅街餞臘頻番枉十度春來芳

訊長寂愁春未醒惟是有海燕曾傳消息庾郎清瘦況
雋味鄉園空隔但五辛盤底年年夢繞玉津萋碧

眞珠簾

春影

豔陽畫出三春景濛空濛幾縷春魂猶疑搖曳絮飛時
弄瑣窗烟冷一桁輕絲吹不斷被燕翦捎來難定幽境
儘看朱成碧玉闌閒凭何處笑倚娉婷有娥池省識
東風妝靚半面倩誰描更柳遮花映偷眼蜻蜓窺未足
似鏡裏燈前曾竝人靜奈簾波緩蕩碧雲催暝

瑞龍吟

擬周美成

吟香路重認淚點娟筠唾痕芳樹依然咫尺天涯斷魂
絮影知他甚處信音仁還是墜蛛塵網半捎窗戶無
聊強摺紅箋醉來試倩流鶯寄語惆悵雕闌猶在晚
花羞眄垂楊慵舞應想舊時堂前巢燕非故琴心贈別
顛倒閒詞句何曾見珠幃夜悄銀屏微步佩解人歸去
帕羅尙綰愁絲怨緒簾底波千縷空負我西窗秋袞涼
雨話殘夢裏一燈誰絮

念奴嬌

己卯五月十四日集賢院池上憶壬申丙子與

琴南兩度游此用白石韻

萬荷深處話閒雲。曾約同舟仙侶。一葉浮香人不見，還對冷紅無數。此際江南，娟筠小簟，坐穩橫塘雨。相思賦就畫屏多少新句。笑我塵鬢絲絲，同瀾照影，花裏頻來去。半枕圓波，鷗外夢空到沙汀。烟浦釣綫垂風，吟鷲倚月，誰解留人住。微茫雉堞柳邊愁，認歸路。

高陽臺

鵲語偷傳烏棲暗。警宵分又駐鸞車。七載重看秋期彈指無差。瑤階擁帚知何事，勸鳳翎休埽閒花。話仙都小劫，匆匆愁裏年華。巫雲漫逐西風去，聽黃雞怨曲，往劫匆匆愁裏年華。

事空嗟酒冷芳尊可堪殘醉消他盈盈儘隔牽牛渚問
情波流恨誰家但思量咫尺銀灣不是天涯

惜秋華

耦庚繼室鄭宜人哀辭

賦筆催妝映宮袍秀色鸞釵相倚春枕正酣驚心杜鵑
號起前番淚溼湘筠賴夢好揚州重締媽香更匆匆褪
卻蕃釐仙藥 怱悵畫屏底歎明珠乍剖枉懸嬌悅鏡
臺近繡襦認幾回凝睇人閒過眼空花但錦裯倩魂猶
繫愁悴問他年左芬知未

摸魚子

疊前韻爲衍石賦鴈影菴時將移居玉河橋

卜幽居石橋西塊衡茆蔣徑催翦匆匆過影還留影恰
照玉河清淺筇柱緩倚繡閣雙聲一例神仙眷香心寄
遠比舊日褊褊羅浮粉翅長印鏡闌面

君舊居曰太常
仙蝶所止齋

城南宅傳舍年來棲慣多應素羽飛倦云何桑下曾
三宿翻恐俗緣生戀秋夢短又誰道等閒衾枕非鄉縣
蕢漁譜換算小字題箋涼音喚侶我亦水雲伴

又

衍石遷居未果重拈前韻爲鴈影菴問

認巢痕一枝初定禁他客燕雙翦玉河最好嬉晴淥偏

是詩人緣淺新句緩枉付與春波橋下鷗情眷會心未
遠且回首吾廬江亭咫尺繞舍水三面君知否鴈影
澄潭留慣銜蘆到此應倦菰蒲葉葉幽尋近料也雪泥
還戀塵袂短又何必衡雲定覓湘南縣歸飛羽換但寄
意潘郎箋傳素翼莫忘舊吟伴

吾亭時將乞歸

金盞子

彩筆休拈錦字慵題病餘無力又墜葉吟秋疎櫺外閒
了翠雲消息懶聽桂苑號鳥引瓊簫悽惻西風淚花冷
素蟾偏是廣寒人隻倦燕忽如客待歸去蒼烟暗故
國沈沈繡簾易隔宵來夢比似曲屏還窄看取小扇塵

生嗟空箱拋擲消魂處愁縷恨絲機聲催織
梅溪夢窗竹山碧山

皆有金盞子詞而調各不同此按花外譜爲之

三姝媚

己卯中秋

澄輝看漸展數圓期禁他絳霄人盼盼到良宵又露華
啼溼一規珠汗鏡彩分明憶路隔銀橋曾見竟夕相思
青嶂魂迷玉樓吟倦何處霓裳歌按但藥杵聲停粉
奩妝換困倚天香賦舊情爭被曉風吹斷破斧誰攜空
暗結吳郎秋怨望裏山河小影輪孤夢短

金縷曲

次日見吾亭詞倚調和之

桂苑悽芳訊黯消魂亭亭鏡影做成眉暈碧海青天依然
在偏是圓規難認漫重溯春前幽恨兩度傷心秋更苦料
嫦娥淚也金波隕千里夢幾曾準清游但說良宵近望嬋
娟瑤臺笛裏舊情休問羽蓋霓旌經行處天路閒愁無盡
待傳語纖阿紆軫露腳斜飛銀兔悄絳霄長誰寄人間信
燈炷落漏聲緊

應天長

鶯花近甸鴻雪去程依稀夢境堪覓記否那回攜手汀
波戀餘碧垂虹影還自直有幾許倩魂消得畫眉冷走

馬人來鷗鷺曾識
回念別離時陌上香泥羅帶爲誰
拭怕說繡幃行處鞭絲墮秋色前蹤認如過翼儘喚起
暮愁千尺斷橋外細雨慙慙重問村驛

陌上花

題仙山圖

神山望裏分明幻出玉樓珠榭碧晃金迷攬取幾多姚
冶仙源近接長生路髣髴紫蘭人下眷游情不是閩風
元圃等閒圖畫漫相看夢影雕甍倚處月斧雲斤無
價鳳管吹空一曲綺筵歌罷天錢辛苦誰贏得卻向黃
姑親借但沈吟怕說冰夷飛蓋翠瀾生也

解連環

九日登香山北麓宋普慶禪師塔院

晚秋西郭趁車塵路隔勝游初約步靜窈幾折雲林早
嶺接梵宮澗橫經閣片碣招尋道舍利當年曾託歎滄
桑過眼古井斷垣還見歸鶴風鈴甚時喚覺話南朝
舊事幾度花落向定裏佳節重看又積蘚暗封柳邊門
錦未冷禪心爲白鴈飛來愁著任匆匆載詩載酒翠屏
半角

浪淘沙慢

梓桑路沙屯廢館浪擁荒驛空約傳書素翼鄉心萬縷

似織任極望南雲天咫尺遠山外烟影難覓斷夢倚斜
陽黯無語虛堂自愁入 悽憶漲痕舊隱拋擲傍岸柳
依依凝眸處淚雨都暗滴嗟歲晏哀鴻零亂誰宅繡衣
畫戟知甚時驄馬相逢人跡 菱鏡光銷腰圍窄年華
晚坐看箭激料應比湍波流更疾恨歸去不附星查十
二載塵衫冷透長安陌

綺羅香

香篝

蕙炷藏春湘筠借煖曾說秦宮遺製金屋攜來有約鏡
邊簾底描一幅象篴疏花護幾片鵲鑪沈水向烟絲認

取檀痕斷魂誰與篆心字 蘭缸紅穗未滅想見都梁
乍薰銀屏無睡犀蝶雙雙解了又還重倚好商量坐久
添衣自消頷夜闌偎被儘從他畫鴨燒殘繡幃慵更啓

慶春宮

去臘衍石贈水仙數本花事旣畢久置牆角雪
窗偶一檢視抽葉已寸許矣用碧山韻成詠

瑤瑟春愁銅盤鉛淚寸緘冷護殘雪冰縵方凝塵封初
啓玉簪小翠堪捻襖羅歸去鎮回想飛瓊話別相思天
上鶯管淒涼爲伊吹徹 漢皋佩杳誰憐翦葉移根幾
番悽絕悄夢禁寒微波寫影應是香心猶結曲屏吟繞

怪詩展宵來漸折仙魂凝盼出水亭亭半眉新月

東風第一枝

十二月廿一日立春時快雪三日矣

帖翦宜春詩吟餞臘重陰偏滯檐角篆烟金鴨仍含豔
情翠禽未覺韶華喚醒似夢裏東君曾約甚曉來賞柳
評花還是凍雲迷著 風乍起綵旛易落寒更峭麝篝
漫卻俊游擬拂銀韉倩魂尙偎繡幙天邊絮粉且休問
陽梢紅萼待畫鼓敲出雙聲聽取試燈妝閣

更漏子

庚辰元夕同陳小雲一解

錦街燈燈市雪還是消魂時節羅幌底繡屏中春寒四面風
蘭缸地春明話一十二回元夜今昔恨去來時
去年人未知

又

酒邊心心上事信杳故園千里心易醉酒難醒夜闌燈
暈生 欣相見愁相盼明月今宵恨滿君鏡水我金梁
夢來誰短長

芳草渡

朝非雨暮非雲雲如絮雨如塵百花時節閉重門花有
約春有恨最愁人 訴春怨春又半裊裊晴絲一縷憐

春瘦爲花顰花一片飄得斷是春魂

浣溪紗

瀉地銀河到海遲橫波脈脈信來稀夢回吟得水鄉詞
繁塔又添垂釣處夷門恰有喚船時斷腸風景定誰
知

又

帶水何心說故鄉隋隄秋色夜傳觴可堪衰柳玩清霜
仙手有人拋月斧通眉無句僞詩囊禁他冶葉不淒

涼

又

冰雪河梁不見春
欲迴星漢間迷津
此中何限未招魂
尚有燕鶯爭煖樹
可憐蜂蟻是微塵
等閒天氣判寒溫

又

倦眼淒迷望轉賒
悔將夢語託星槎
春明門外似天涯
烏鰂書成還易滅
青鸞信好未應差
一年春事又桃花

好事近

紙鷁

片羽又青雲
搖颺半天春色
莫羨兒童牽引
怕東風無

力微茫纖綆繫虛空
遠影定誰識偏是綠楊烟外有
流鶯窺得

絳都春

秦敦夫前輩出所藏冒辟疆姬人金玥美人蕉
畫冊索詞

風光幾信儘描出雉臯當年花韻自翦翠綃點筆曾看
散蟬鬢碧腴乍展痕猶嫩似人影單衫紅襯染香亭上
憑誰遞與畫欄芳訊
吟穩蕉窗秀句問名字尙見金
明玉潤素月半規小篆盈盈芳心印螺青寫葉春來恨
認水繪淒涼睂暈任教重覓秦淮舊時豔粉

荷葉杯

忘了梅花憔悴鄉思休更託微波翠禽枝上好音多無
奈客愁何 聞道章臺人去飛絮風影太天斜亂紅門
徑開蜂衙門外是誰家

又

釀得春光如醉清淚無賴溼愁紅爲誰香閣掩芙蓉山
枕倚重重 迤邐清明時候依舊烟雨暗芳辰曉窗天
色近黃昏同是夢中人

南鄉子

宜子孫沈

璧月巧摹形土暈銅花別樣青硯北何人頻拂拭輕輕
滌盡霜毫句未成小篆認分明芳草宜男偶有名一
例螽斯聞好語盈盈水拍銀盤弄化生

又

和小雲立秋之作

扇影尙依依秋到梧桐第幾枝天上西風憑問訊來遲
且爲清陰立少時筠管強裁詩可有微涼入鬢絲昨
日情懷今夕夢尋思悶裏閒中各自知

玲瓏四犯

虎邱春泛圖爲張初白題

烟柳回塘颺畫漿聲中簸翠低展客與香迷一舸鏡瀾
徐轉鶯語燕語難分但醉倚好花人面數舊游彭蠡上
舟繫忘了小姑偷眼 四愁平子吳歎遣漫沈吟玉樓
歌按越娥佩響從歸去春共橫波遠空付媚粉暗塵蕩
冶葉倡條零亂問半眉山色船唇篷背黛痕誰見

喜遷鶯

珠巢街新居古藤交枝冷翠欲滴詞以賞之余
在都門凡四移居矣

六街塵外喚蠟屐問春春應還待娥月迎門媚枝窺戶
吟破一庭蒼靄簾紋乍移苔點闌角斜牽蘿帶寄情處

倚新聲多幸鶯鄰堪買

衍石居最近

空怪槐巷裏燈暈夢

回早是圓陰改客與琴孤家如舟泛秋影幾絲同載試
將凍蜂催醒有約濃花須再倦游讌念雙藤舊侶題襟
誰在

瑣窗寒

衍石贈詩云相思纔隔幾重垣蹇騎誰知日過
門去每匆匆歸又懶不曾入座領清言散衙容
易夕陽斜燈火詩書興豈賒日日晤君君未覺
忍寒高影自黃花巷南巷北雪未消七十五步

憐迢迢

原註君語余云昨訪君計行七十五步

小詩抵作寒宵話

黏壁長應慰寂寥
賦此奉答君時復將卜居玉河橋
故後半及之

掃葉門深衝泥巷
淺雪殘猶凝清言
佇久依約夕陰吹
暝怪荷參催歸太遲
忍寒負卻黃花等對
藤枝絡架晚來還是
凍禽聲靜萍梗終無
定正話到城南者番
鄰並河橋舊約又說
玉虹腰冷占新巢誰
家畫梁笑人忙劇春
燕影問何年三塔吟
鶯喚教鄉夢醒

澡蘭香

蝶蘭和小雲韻

羅浮舊侶仙跡曾棲一翦洞雲溜碧花迷試夢橘蠹淹

秋恰好舞衣藏得問匆匆粉怨香愁情絲因誰暗織壁
鏡分明可念春來消息看取團圓樣巧中有柔奴玉
腰纖魄彫飛小影閱到枯形密緒尙憐敲側付蘭闌揜
手親纈卻恐蠶娘未識剩幾片芳草宮斜羅帶空憶

東風第一枝

辛巳人日齋宿翰苑燭花燦然爲拈此解

眼纈迷烟脣朱綴蠟依稀光透簾幕乍疑錦羽銜來未
許紺紗障卻嬌春釋藥有歸院金蓮人約向夜闌小簇
疎紅恰認半簪梅萼官梅幾許紅萼未宜簪白石翁人日詞語也試照影
一枝暗託待破冷數椒尙弱任他芳信天街二十四番

喚覺陽和未準但背倚銀屏斜角儘化作粉翅雙蛾飛
趁玉堂鈴索

六醜

早春晴暖落鐙後風雪淒然藤蔓欺寒花事殊
寂寂也

喚幽禽夢醒問急響花鈴誰掣試晴扇香香心如倦蝶
弱翅猶怯暗想西園事鏡中孤影歎好春難折淒風夜
半吹還徹細糝游塵斜迎舞雪長條凍添冰纈又因循
錯過燈市佳節 寒宵情切按清歌乍闕待向朱闌底
尋步履而今怕理吟篋任紅遲露萼綠拋烟莢採芳景

俊游空說都則把豔冶年光付與恨睂曉睫金觴御已
是愁結那更堪聽取銀雲外嬌娥弔月

一枝春

珂里新晴試清游過卻惜惜坊陌歡期暗數豔景易成
陳跡旗亭喚酒倩評跋好春顏色吟徧了紫曲塵香惟
是燕鶯曾識 幽蘭素芬堪摘怕東風認作尋常標格
琴心倦倚夢裏水波空碧何人寄語但花外玉簫知得
重看取小字銀鈎冷綃翠拭

解連環

和片玉韻

寸箋休託訴幽襟忍見賦情絲邈耐晝永閒拂蛛塵但
錦羽夢孤翠綃綠薄似水春陰總化作殘秋蕭索對厭
厭病枕悶損鏡妝誰寄靈藥芳尊自開下若帶顰蛾
酒暈猶倚闌角枉盼斷淮上青山渺天際黛痕等閒迷
卻浪跡依然把柳絮看成桃李勸清游半晴半雨趁花
未落

喜遷鶯

崇效寺看牡丹時余外轉西川脂車有日矣
祇園春霽借春豔釀成天然羅綺鈴語微聞衣香初染
幾度竹房聯袂瑞蟬又兼金蝶一攬新來梳洗話京洛

任尋芳年少。顰脂留醉。凝睇經院悄。疎箔翠油。誰與
相料理。花雨輕沾珠林低護。還是玉闌愁倚。靚妝漢宮
空賞。歸夢瑤臺仍寄露華冷。贈東風。但有相思紅淚。

瑞鶴仙

四月六日出都小憩蘆溝橋偶述

柳絲征袂。綰試錦羽初程。玉驄猶戀銅街佩聲。遠向天
邊回首。故人如面。藤陰翠晚。但怪得琴樽夢短。有游蜂
知我心。期剛是褪紅曾見。還看珠巢題字。墨暈初乾。
酒痕微泣。晴雲乍展。春已在驛橋畔。問柔波一掬。仙源
流下。爲底人閒較淺。要重尋京邑塵香。素襟漫浣。